

鄂东视察印象

一九三四年

湖北教育叢刊第一

鄒東象記

盧鑄敬題

江苏工业学院图书馆
藏書章

蔡印

中華民國二十三年八月
湖北教育廳編審委員會編印

本叢刊編輯人姓名：

主編 王醒魂
編輯 壽森庠

郭錫惠 龍翼雲 周芮香 宋席儒 葉漢章

湖北教育叢刊第一集之二

鄂東視察印象記

(實價壹角)

著者 程其保

編輯兼發行者 湖北教育廳編審委員會

印刷者 漢口新昌印書館

版權所有，翻印必究

湖 北 教 育 叢 刊

第一集 教育行政

(已出版)

(一) 湖北教育界應有的努力

1. 蔣委員長對湖北教育界訓詞
2. 張主席對湖北青年界訓詞
3. 程廳長對省立各校館長訓詞
4. 程廳長對省私立各校教職員訓詞

5. 程廳長對縣區教育行政會議訓詞

6. 程廳長告湖北教師書

7. 程廳長告湖北學生書

(二) 鄂東視察印象記

(三) 鄂西教育現狀及其問題

(四) 湖北全省縣區教育行政會議報告書

(五) 發展地方教育計劃與方案

1. 復興地方教育三年計劃

2. 復興匪區教育實施辦法

3. 復興鄂西教育辦法

4. 匪區特種教育實施辦法

5. 發展地方教育方案

(六) 湖北教育廳半年來工作概述

(七) 民國二十二年湖北教育廳行政計劃

(八) 湖北省督學視察全省教育總報告

(九) 教育部督學視察湖北教育總報告

第二集 教育統計

(一) 民國二十二年湖北教育概況統計

(已出版)

1. 各項教育總表圖

2. 學校教育統計

3. 社會教育統計

4. 教育行政人員一覽表

(二) 湖北全省各級學校調查總表

1. 湖北省立各校館園一覽表

2. 漢口市立各校館園一覽表

3. 湖北全省私立各級學校一覽表

4. 湖北省各縣中小學一覽表

(三) 五年來湖北教育概況統計

1. 五年來湖北教育概況比較表

2. 五年來全省學生統計

3. 五年來湖北省受高等教育人數比較表

4. 五年來湖北省國外留學生統計

5. 五年來之湖北教育經費

第三集 教育問題

(一) 生產教育問題

(二) 鄉村教育問題

(三) 民衆教育問題

(四) 勞作教育問題

(五) 實驗教育問題

(六) 師資訓練問題

(七) 兒童教育問題

(八) 留學問題

(九) 課程問題

(十) 訓育問題

(十一) 童子軍訓練問題

(十二) 軍事教育問題

(十三) 教育經費問題

第四集 教育經費

(一) 二十二年度湖北省教育文化費歲出分類預算書(已出版)

(二) 二十二年度湖北省地方教育文化費歲出分類預算書

第五集 教育法規

(一) 中央頒佈教育法規輯要

(二) 湖北省教育廳現行法規彙編

鄂東視察印象記

程其保

- 一．視察行程經過
- 二．收復匪區現狀
- 三．復興匪區問題

其保長鄂省教育，瞬經四月，念四鄉殘破，匪盜如毛，而學校教育，集中都市，雖盪舍宏開，終無法使莘莘學子，盡量入學，時用爲憂。往者考查教育，遍歷歐洲；知教育之興廢，關係國家之盛衰；而教育之發展，不在廣集於都市，尤應普及於鄉村；故到任伊始，即以發展鄉村教育爲職志；訂定條規，詳擬計劃，亦已啓社會之注意，而開展鄉村教育之途徑矣！惟是鄂東黃麻一帶，久淪匪區，中間迭奉蔣總司令令飭，已組織匪區教育設計委員會，通力進行，得有相當頭緒；無如匪情萬變，民困財空，而計劃有不得盡情設施，間且有設施而恐未盡合實情者；爰於十月十四日，帶同督學張士瑄，編審郭錫惠，親赴黃陂，麻城，轉赴河南，潢川，經扶，折回黃安，禮山等縣視察，深入匪區，往返八日，凡所見聞，極爲慘目驚心，用特著之於篇，以見復興農村與肅清匪患，互爲因果，而匪區民衆之待教養，尤汲汲焉！

一．視察經過

麻城宋埠
匪患未清

十月十四日晨六時三十分整裝出發，時建設廳李廳長範一，擬赴黃麻視察公路，爰與之同行。七時三十分渡江

，八時自漢口乘車赴黃陂，同行者除本廳督學張士瑄，編審郭錫惠，建設廳李廳長範一，科長陳琮，鄂東汽車道管理局長譚先炯而外，尚有湖北棉業改良委員會委員楊顯東，技師劉欽晏及美國康乃爾大學農學博士馮澤芳等三人；九時三十分抵黃陂縣，時陸軍第三十軍特務旅副旅長張植標，黃陂縣縣長華文選，教育局長吳注東均在站相候，遂同赴旅部及縣府，就詢以民情俗尚，軍紀匪情，十時許至教育局，視察民衆教育館，縣立中心小學，及縣立中學，面加指示，并詢以最近辦理聯保小學詳情，旋即離縣渡河前進，因縣河橋梁，工程較大，未及建修，汽車須由船隻裝運渡河，乃得達也。

渡河而東，過魯臺及望魯學校故址，憶雲淡風清之句，令人穆然神往，遺台高聳，名德巍然，而崇德墓道之學校，乃今夷爲馬廐，爲之感喟不置。十二時三十分，過李家集附近河橋，已入黃岡縣境矣，是橋舊爲匪毀，近始修復，長約千餘呎，四周多大族而少學校，民智未開，殆所以易爲匪惑也。下午二時抵麻城宋埠，晤第四區行政督察專員程汝懷及麻城縣縣長鄭重，李廳長範一與之略商築路情事，旋即共謁二十六路軍總指揮孫連仲，談順河集左近匪情及築路徵用民夫辦法。宋埠爲麻城巨鎮，昔時商賈雲集，貨物四通，今則匪患頻仍，軍隊給養浩繁，遺民憔悴！將行時，居民紛紛報匪劫，村莊騷擾，慘狀可憫。四時半離宋埠，過中館驛，同李廳長程專員譚局長鄭縣長等，查勘順河集以南公路路線，其北現仍多匪，不便查勘，此路果通，匪勢當可減少，總司令飭速築修，規模實宏遠矣。巡視畢，乘車北上，六時抵麻城縣，寓縣公署。麻城城垣高廣，塵市頗安，蓋匪屢攻而僅得未陷者。街道多石子，與黃陂同。八時召集麻城縣立中心小學全體教職員到署訓話，旋指示經費保管委員會委員整理教費要點，十一時縣督學王若愚代理教育科科长涂國柱來謁，令督學張士瑄與之接談，詳爲指導。此視察第一日經過情形也。

十五日上午八時，同李廳長程專員鄭縣長等往麻城縣立中心小學及女子小學視察，分別予以指導，並敦屬縣長切實發展鄉村教育，縣督學勤加考查；九時自麻城乘車赴潢川；十時過武家河；十一時過東崗，三十一師李師長敬明防地，數日前猶與匪劇戰處也，山路崎嶇，高出平地二百公尺以上，自此深入山地矣。十一時三刻過福田河，該處爲股匪出沒之處，橋梁間有焚毀，民房殘破無餘，麻城縣縣長之住宅已爲匪燒毀，而土地則固腴美。聞匪衆往往用聲東擊西之法，由麻城東部，衝過我軍防地，而竄聚麻城西北部，故我軍常於東西交通路口，阻塞木材樹枝，以絕匪路。本日經過時，李廳長範一鼻端，忽爲樹枝所傷，則匪勢固時時可慮也，下午一時，達小界嶺，過此即入河南境，沿途油販絡繹，皆來自河南者也；油販每人可担油八十斤，約可賺國幣兩元，往返需時八日，僅足糊其口；交通不便，貨運維艱，以之與外貨競爭，其能不被排擠者幾希矣。此路既通，斯困可免，嗟彼勞民，又未知何以謀生！在小界嶺小憩，李廳長程專員鄭縣長等遂折回麻城。譚局長先炯及督學編審等仍率同乘車前往，沿路山秀水麗，不減匡廬。二時三十分過沙窩，則已入平地，豫鄂皖邊區剿匪總司令部在焉。時路多泥濘，劉總司令現在潢川，遂未及勾留，前進過白雀園；園有寨，可資守

禦，上年曾爲匪所佔據，然亦用兵要地也。益進抵潢川，寓招待處，時已下午六時，燈火星星，自麻城至此約二百七八十里，此次自鄂乘車至豫，尙爲第一次，山路多曲折，廢時乃甚多，然較之往昔，則又迅速多矣。八時往訪河南特區教育委員會委員長李步青及委員霍本一王春元等，並會同邊區剿匪軍總司令部秘書長胡石青及安徽教育廳督學王崇玉商籌匪區教育設計實況，約定次日上午九時開會討論，此視察第二日經過之情形也。

三省代表會 商匪區教育

十六日上午八時至河南省立潢川初級中學，會同河南安徽兩省教育廳代表晉謁豫鄂皖邊區剿匪軍劉總司令，時劉總司令方患瘧新愈，其部下患病者頗多，聞數在八千人左右，與劉總司令詳談匪區教育設施情形後，旋出總部轉至潢川初中，開豫鄂皖邊區教育設計籌備談話會，報告各省進行情形，豫皖均在籌備，本廳則已進行；復次由胡石青秘書長將三省報告列爲五問題討論，決定辦法如次：（一）設豫鄂皖邊區教育設計委員會，由邊區總司令部及三省教育廳各派一人或二人充任委員，設計委員會經費由邊區總司令電呈三省總司令部決定；（二）經費根據蔣委員長致西電請邊區總司令會同三省政府呈請蔣委員長自收復匪區治本治標費中指

撥；（三）設一師資訓練所，集中各縣有教師資格者，予以短期訓練，再行分派至各縣師資訓練班，必要時各縣可聯合辦理；（四）關於教育方式及教材內容，俟委員會成立後再行決定。談話會畢，遂邀同李委員步青外出閒步，見南北兩城，勢若環連，一水中繫，木排四散，塵市櫛比，灰塵滿目，信乎爲豫南之都會；然飛蠅滿處，路上污穢堆積，亟需整理也。四時應劉總司令西宴，六時赴潢川初中演講，七時開第二次教育設計籌備會，通過章程十一條，擬請劉總司令呈請總部核示，九時散會。此視察第三日經過之情形也。

十七日上午八時由潢川赴經扶，由劉總司令代備運貨汽車二輛，人坐其中，振顫殊甚，豫鄂兩省教育廳代表皆同行。九時過光山縣，縣城頗大，城北高阜築有碉樓，爲用兵所必爭，被匪陷後恢復時所修建者也。十時二十分過潑皮河，出潑鎮深入匪區，沿途山水秀麗，村舍坵墟，紅樹青松，遍資點染，使匪患肅清，此誠足爲樂土也。十一時三刻抵經扶縣，經扶界豫鄂之交，土地肥沃，物產豐饒。縣治舊爲光山之新集鎮，北距光山一百里，南距麻城三十里，東距商城百四十里，北距羅山七十里，羣山環繞，向爲黃麻兩邑北部貨物聚散之地，豫南之達道也。城垣昔係石建，極堅固，十七年匪衆來犯，人民困守達兩年之久，迨後悍匪將四郊居民房

屋焚殺殆淨，城內援引乏絕，匪衆復效洪楊時攻南京故事，鑿隧道運棺滿裝火藥轟炸而破，城垣遂被匪盡折，洎自十九年八月爲悍匪鄺繼助除向前攻陷後，至廿一年八月始行收復，蔣總司令採納輿情，議建縣治以便控制，且以誌劉峙經扶之功，而改定今名者也。

萬人坑荒

塚壘壘

十二時至招待處小憩。下午二時，二十五路軍總指揮梁冠英劉總司令部秘書黃子芳經扶縣縣長徐會之來談。

三時往西門外觀察匪黨殘毀之跡，聯康山舊爲匪寨，山下平場，岳維峻就義處也；其南山下有萬人坑三所，匪黨殺人之叢葬處也；南門內有塘曰要塘，匪入城時，城中婦女畏匪蹂躪而投塘者達數百人，塘爲之塞，後被匪填爲練兵場，現則改爲籃球場矣。其他保衛局革命裁判所，皆次第見之。下午五時參觀三十二師政訓處所辦之中正民衆學校，集五十餘劫後之兒童於一室，直豎一黑板，列橙十餘，而令諦聽之，可忻亦可憫也。

偽師長供

匪黨内幕

八時赴梁總指揮冠英軍部談話，彼謂：「余對於共黨之認識，與他人略殊。蓋匪黨中之有思想信仰者，不過十之二一，其餘多屬盲從或脅從，若謂匪區民衆全體匪化，則

不啻爲匪宣傳，爲此說者，或別有所感，而故以此悚人視聽，以自求滅耳；吾輩處此情況之下，應與匪爭民，不應爲匪驅民，匪離民衆，殲滅之不難也。」言畢，召匪黨被俘之師長吳維敏，支部書記兼文化委員陳宏昌，偽四軍政治主任兼黨務書記張長宏，偽匪蘇執委兼登記組委員及互濟會組長楊自勤（女），分別詰問，除吳維敏對於匪黨內容略能了解外，其餘皆盲無所識，行動亦不自知。吳維敏自謂：「伊於十九年七月被迫加入共黨，由火夫而行市員，而師政委，最近乃升任第三路游擊司令部師長；匪軍中重要職員，多有非黨員者；其軍事設置，分紅軍與地方武力兩種，紅軍直屬於偽中央軍事委員會，其組織爲三三制，每軍團三軍，每軍三師，每師三團，每團三營，每營三連，每連三排，每排約四十人。地方武力，各縣均編有獨立團，獨立營，少年先鋒隊，赤衛隊，游擊隊等，每縣設有軍區指揮部統轄以上各部，而與紅軍無關；其編製亦爲三三制，但人數往往不足，伊所統轄之師僅二百數十人。紅軍各軍師團，皆設有政治委員，代表共黨與蘇維埃，監督軍事，領導紅軍集中黨務政治工作之進行，所有紅軍一切命令，非得其同意，不得施行；且對於政治問題，政治委員有單獨發表命令之權。」又云：「共黨對人民之成份關係，最爲重視，成份者即自身之謂，關係者

即親友之謂，其黨分人民成份爲地主，資產階級，富農，中農，貧農，雇農，工人無產階級等，其中以貧農雇農工人無產階級成份最好，地主資產階級成份最壞。若家屬親友中有爲地主或資產階級者，則謂之關係不好，若家屬親友皆爲貧農或無產階級，則關係最好。其對於土地之分配，則地主豪紳官吏之土地，一律沒收，罰任勞苦工作，富農中貧農雇農工人及無產階級等各可分田自二斗五升至三斗五升不等，富農之田最瘠；但各人分得之田不多，收穫有限，而稅課奇重，人民大都不足維持其生活。」又云：「共黨中男女完全平等，但界限則仍嚴，婚姻主自由，離婚必有條件，且不得逾三次；女子慰勞隊任看護傷兵之責，其他官兵則不許沾染。」又云：「目前紅軍全部盤踞於麻城與黃安之間，其所採政策注重兒童訓練，因成人意識堅定，關係惡劣，僅可爲一時之利用，而主義之完成，則必待一二十年後兒童訓練成熟之也。」梁總指揮復詰問匪黨所謂文化委員會主席陳宏昌者，則竟一字不識，乃笑謂之曰：「看若輩所負職責，莫不可殺，如憫其愚昧寡識，則當寬其既往，施以感化。」若然，匪區教育誠迫切也。十時返寓，規定次日行程，此視察第四日之情形也。

十八日上午八時，乘馬出經扶南門往劉總司令規定移民

區視察，路傍轟然高出民房上者，劉氏宗祠，岳師長維峻就義前寄押處也。南行十餘里，但見泉流涓涓，松翠楓丹，棄置於甬畝間者，已熟而無人收割之稻也，（約萬石左右）。人民往來者則無一人。益南，抵董店，始見居民三五。十時至中途店，「發展赤區四週的遊擊」之標語猶存，而「打倒賣國賊」與「打倒愛國主義」之標語，則又自相矛盾矣。同行第三十二師特別黨部籌備委員兼書記長王汾謂：「現時此處確定爲第一區，令難民自歸割稻，故略有歸者，前三數日且無一人，」云云。沿途忽見兒童十餘人，肩米往城中易物，蹣跚行步，體瘦皮枯，恍然如上古以物易物之景象！合作社之急需，於此可見一斑。旋往該處駐紮之獨立第五旅六百十四團團部小憩，團長李繼程謂前夜尚有餘匪窺伺團部，十里以外則三五成羣，近獲匪之赤衛隊韓家容尚在團部寄押，出而問之，言語支吾，亦盲昧無識之貧苦人也。二時由李團長導往邊店，益進則爲白菓樹，更無軍隊駐紮，而爲匪衆叢聚之區矣。三時過返，五時半抵經扶，赴梁總指揮之約會而返。此視察第五日之情形也。

濫發匪票 搜括現金

十九日上午八時，發經扶向郭家河，豫皖兩省教育廳所派人員仍舊乘轎馬，一同前往。九時半至八里店，難民

歸里，閭舍已空。十時五十分過雙石門，山路崎嶇，下臨絕澗，山餘故壘，野有哭聲，蓋地之經匪據者已久矣。十二時抵王家灣，二十五路軍特務營駐紮其處，當地聯保長聞聲齊來歡迎，並告昔之所苦，今之所安，面若有喜色者，此即二十五路軍所謂實驗區者也。稍已收制，民猶多病，其民衆多歸自匪區，舉發匪首極爲忠實。營長出匪票多張，分贈同人，蓋匪每至一地，則將該地之現金，盡數搜括，而換以匪票，故凡經匪之處，現金全無，匪鈔則遺留極多。談畢，繼續前進，民衆猶屢以施藥爲請，其情至爲懇切，蓋民衆歸而病者十之七八，在匪區中之不得醫藥者，已兩年餘！下午二時半，過楓樹嶺，中蘊蘊產，尙未開採，而石路峻削，轎馬皆不可行，遠望炊烟，繚繞空際，四山紅樹，若表現此處受赤禍已深者然。四時下峻阪，抵郭家河。郭家河昔爲匪之重要巢穴，僞邊區蘇維埃鄂東道委會政治指導部等重要機關，咸萃於此；國軍屢次失利，匪黨盤踞已及五年，本年七月十九日始行收復，去今適已三月矣。抵郭家河後，由三三師剿匪區域工作團主任謝至剛及團長招待一切。下午四時召集剿共義勇隊訓話，到三十人，武裝齊全，多屬匪黨所謂地主富農之子弟。七時召集當地民衆訓話，民衆到約百人，全數爲老弱及婦女，訓話時，一體安守秩序，似尙有匪黨之餘威存留

於其腦際者。九時，召聯保主任陳陸量王周才等五六人訪問匪黨沒收土地，辦理學校，處理婚姻，及紅軍赤衛隊與夫政治工作情形，所言大都與前匪師長吳維敏所述者相若；惟云匪黨教育，不重教師，而重教材，教科書完全爲匪黨書記成仿吾一人所編，利用老儒學究作爲教書工具，故各學生家長多信仰之；於言及匪黨之橫暴，則莫不談虎色變，人人生懼。召集自首女匪現任特務員而極力反共之周志清王繼貞等三人談話，共言匪黨欺騙民衆，妄分階級，使民衆妻離子散，滅倫亂常，果于死戮，雖九歲以下之兒童，犯匪法亦不免於死罪。且謂婦女生活改善委員會，名爲生活改善，男女平等自由，實則加重女子負擔，男子當紅軍任赤衛隊，青年任少先隊童子團，而婦女乃担負全部工作，慰勞隊洗衣隊名目繁多，徵發擁護，尙無時休止；並慨謂女子不讀書識字，故受其欺騙，至是蓋已有覺悟而可令向善矣。

慘殺無辜 黯無天日

謝主任至剛並謂：「青年男女入匪黨後，大都不免於橫死，每於開鄉民大會時，見體力壯健之男子輒指定其担任匪黨工作，若全體通過，其人稍有猶豫，則認爲反革命，殺之；故匪區壯丁十之八九被殺或入匪軍工作，所餘者僅十之一二也。至匪所謂改組派，A B團，取銷派者，專爲羅殺

青年有知識而傾向該黨者之毒辣手段，蓋其專橫之極，不容有知識者，爭得地位；郭家河附近數十里，現僅遺老儒兩人，以老人僅求免死，不爭功，不炫才，故尙得苟延殘喘。」又謂：「近由民衆捕得該處匪黨鄉蘇維埃主席郭守謹一名，其在匪黨時殺一人，令其母誦視而笑，其母未如命，並殺之，其子方七齡，見之而哭，則又殺之。某女子自由戀愛得與一青年有知識之男子結婚，結婚十二日，而以改組派名義，殺之，此女子入夜私泣，亦拘送偽保衛局，現時倖存，反共甚力。至匪黨殺人，間亦有交民衆執行者，然必召集民衆大會，決議處死之法，往往由民衆用亂石擊斃，腦漿崩裂，血花四濺，慘不忍睹，其殘酷無人理，誠非青年傾向共產主義之所逆料！」猶憶經扶縣長徐會之之告同人曰：「匪黨中青年女子之有知識而略具姿首者，甚至無人敢與之結婚，蓋此得彼怨，必設法殺之而後快，且匪黨之法，離婚過三次者死，故一般女子，亦多不願與青年結婚。」又曰：「若謂余言不可信，請試向匪區中之任何一民衆而問之，余言必不誣。」同人偶爾憶及，遂以此相詢，僉謂爲實，則青年男女因婚姻問題而傾向匪黨者，聞此亦可憬然悟矣。王周才又謂：「匪黨妄以成份關係殺人，雖屬雇農，成份甚優，如其成爲地主，或其先世爲富農，甚或與其微有戚誼而在國民政府任

事與逃難外出者，均爲關係惡劣，得執而殺之，否則亦不許充紅軍入學校，男女皆然。乞丐則認爲無產階級，子女均得入學，流氓則看其工作或者查其子弟是否已入匪黨，不然，即不予以保護，或更殺之。」則匪黨中幾無一不應殺之人，雖流氓亦不遠免焉。此視察第六日之情形也。

匪區民衆 苦痛萬狀

二十日晨七時，赴蓮花堰，離郭家河西約五六里，第三區劃共義勇隊第一隊及該處聯保主任均在村邊餵候；沿途尙見有匪黨標語宣言及擁護細賬；擁護者，匪黨強令人民出穀米財物貢奉之謂，美其名曰擁護也。一再擁護，盡民衆之所有而未已，尙責令公養戰敗被創之紅軍，人民莫不以爲苦，莫不食秕糠草根樹皮矣。道傍有匪之合作社廢址一所，門傍聯曰：「共同生產，共同消費，各盡所能，各取所需。」詢之當地民衆，則謂：「匪中食鹽每洋一元僅購四兩，且必需銀洋（匪自製有銀幣，銀色成份極低），雖曰消費合作，實則民衆多不得享其合作之惠。」蓋匪區商業，不許人民私營，由匪黨設立經濟合作社，人民之認股者往往無紅息可得，而物價昂貴，人民殊苦其剝削，此所謂欺騙民衆者也。益前，至官家上灣，勞問民衆所苦，其所言大都苦匪黨之壓迫，而不堪其殺戮；且謂：「村中原有廿一家，共百餘人，現存

者不及五六十人，間有一戶僅餘一人，然大都老弱而已。」當地剿共義勇隊徹夜站崗，并翻山與匪方人民搶割稻穀，所獲達數百担；殘匪猶時出騷擾，信武力自衛之不可緩也。八時返郭家河，豫皖兩省教育廳匪區視察人員則過返經扶，二十五路軍一百一十一團曹團長飭第三營護送本人一行住黃安七里坪；南行十餘里，與十三師萬師長所派迎之隊伍相值，蓋此爲鄂豫兩省交界之地，兵力未達，匪衆出沒無常也。沿途山峻河乾，草木叢生，遠望雞公山石，矗立山巔，若雄雞之獨立。十時過七里棚四里店，民房殘破，稻亦間有未收割者，然與經扶移民區則大異矣。十二時抵七里坪，時程專員汝懷及十三師副師長盧本棠均來相晤，談及黃安保甲，一二三四區已編草冊，組織頗爲嚴密，約分爲區，聯保，保，甲四級，剿共義勇隊即以之分任區隊長，聯隊長，隊長，班長，指揮壯丁，實行站崗放哨；五區現方着手編冊，惟異動太多，數難確定，匪區則尙難着手；總司令所定剿匪安撫編保三步辦法，此間尙行之無碍，大體成績，與二十五路軍在郭家河所設施者相同，其名固不必定實驗與否也。

老弱轉乎溝壑

黃安人口在先約四十八萬，現時約三十萬，壯丁原有十三萬，現在僅餘五六萬人，其壯丁死亡不讓經扶矣。談

畢，即視察七十七團政治處所主辦之小學，及匪黨所自建之經濟合作總社社址，轉赴十三師師部，乘車往黃安。下午三時過古風嶺，七十七團政訓處所辦之民衆分校在焉，視察一週即去。四時過打穀嶺，匪黨出沒之處，近城之要塞也，築有碉樓三，匪黨偷襲時曾奏奇功。益進，惟見田中蒿深似麻，草紅如茵，滿目荒蕪，不勝愴惻！而民衆築路，努力奉公，亦可見督教有方也。六時三十分與萬師長相晤，談論應注重鄉村教育，另編教科書，期合于當地民情實際，且宜側重各地出產，辦職業學校，語多中肯綮；熱心教育，至可欽也。八時赴南街巡迴演講隊第一組講演所講演，告以識字明理自衛愛國之方，民衆到者二百餘人，多壯丁，爲匪區中所僅見者，程專員汝懷業經規定聽講民衆組別，不許不來，辦法頗周至。此視察第七日之情形也。

二十一日上午八師程專員同往縣立第一小學視察，據稱開學至今，尙不及一月，規模粗具，學生頗多，教科書亦整齊，何主任萬師長各捐款資助，故得有此也。校址舊爲匪黨革命法庭，殺人甚多，已殘破不堪；視察時，分別聽講，逐一指正；旋往私立養正小學視察，并周視城外飛機場碉樓，該縣碉樓計有九十餘座，網線聯絡，足資防禦。十二時發黃安，過禮山縣河口鎮，河橋未復，於水上架木板而渡，稍一

不慎，即有墜水之虞，車則自河中推進，頗費時吃力；河口鎮曾爲匪黨佔踞，現已漸復舊觀，禮山縣保安第九中隊駐紮該處，居民尙安堵無虞。益進，過姚家集長軒嶺入黃陂北縣，亦匪黨盤踞地也，附近鮑姓以一家之力，與匪戰經年，始得保全，民衆果竭力自衛，其力亦不可侮也。過長軒嶺越碾子崗，度橫山，地勢平坦，居民完聚，雞犬之聲相聞，視黃安經扶：迥不相侔。五時三刻抵黃陂車站，時已入暮，全縣師生來迎者適散去，乃電召教育局長吳注東指示興辦聯保小學之方，即開車反漢，八時抵埠，人烟繁密，燈火熊熊，恍然又一世界！視察匪區，歷程千里，爲時八日，所過各縣，情景各殊，至今思之，猶歷歷在目也。

二·收復匪區現狀

鄂省赤匪

之淵源

民國十六年七月卅一日，葉賀叛亂於南昌，十二月二十一日，匪黨暴動於廣州，謀奪取政權，而遭失敗，遂到處殺人放火，實爲浩劫之肇始。其後因政府迫於外患天災，更與以猖獗之機；如紅巾之騷擾，似流寇之殘民，而以江西兩湖爲受禍最酷。中國匪區，據匪自稱有三大蘇區，八小蘇區：江西，鄂豫皖，湘鄂西，三大蘇區也，鄂豫邊，湘贛邊

，贛東北，閩粵贛，閩西，海陸豐，瓊崖島，晉綏邊，八小蘇區也。最近竄入四川，則又闢殺人放火之大區域矣。此次視察所到，爲匪所稱三大蘇區之一；黃安爲匪之策源地，程專員汝懷面謂：「匪之工作於黃安七里坪，遠在民國八九年，其時蕭匪楚女與當地老儒鄭錫三之子友好，錫三之子謀作亂於湖北而被殺，蕭匪楚女，歲時餽錫三以百金；錫三鄉里腐儒，不知蕭匪別有用意，以爲篤於友誼，自後蕭匪寄來片紙隻字，珍若拱璧；而當地青年，又多爲錫三之學生，錫三既受惑於蕭匪，而此多數青年，升學既苦於經費之不足，鄉居教讀，又抑鬱無聊，蕭匪於此時，乃時寄以匪黨刊物，如嚮導報等，間且密赴七里坪一帶宣傳，由是七里坪之浩劫，隱伏於不覺，而當地青年已爲匪化所麻醉。十六年國共分離以後，匪黨董用威等，既不能活動于都市，乃轉回其父母墳墓所安之鄉里而肆虐，加以當地交通不便，民智未開，一腐儒迷於金錢，數青年因而麻醉，繼是以後，民衆受其壓迫，或陷於盲從，匪禍遂深伏於鄂東，蔓延及豫南；今茲視察所經，其受禍皆原於此，信乎教育之宜普及於鄉村，青年應指示以正軌，而交通不便，保甲未編，當局者漫不注意，而不知禍至如此之酷也！」時坐間繼有言者：「黃安匪禍，固淵源

於此，使十八年王葉兩團長來七里坪勦匪，而不違調之他去，則匪黨亦無法再肆活動，「蓋王葉兩團長努力勦匪，匪黨免脫者，僅鄭畏三、吳漢先等十二人，政府以爲大股剷平，小醜即可無慮，而不知兵去匪來，仍可暗肆活動；洎十九年長江水災，政府忙於賑濟，匪黨因之暴動，黃安縣城遂一再爲匪所盤踞，而造成所謂鄂豫皖蘇區，使三省邊區民衆，幾無子遺；信乎民衆自衛之不力可緩，而軍隊於民衆武力尙未至足以自衛時，又似未可違調之他去，而使民衆惶惑無措，再罹浩劫也！

黃安教育現狀

此次視察經過，既如上述，而所到各處，其現狀又至不一致。即以教育而論，黃安縣在先雖交通不便，學校頗

多，青年學生亦衆，至今則十八年以前在匪黨任工作之青年，乃絕無一人存在。黃安人口四十八萬餘，現時存者不及卅萬；學校亂後，乃無一所。自十三師來縣勦匪，程專員回縣任事以後，最近城內，始設有完全小學一所，已於九月二十六日開學，計學生六班，共二百一十六人，教科書齊全，設備亦日求完備，教職員八人，頗能各盡心力，常年經費月支二百四十六元，在匪區方告收復之後，竟能有此，頗不易得。

校長吳少丹，尙能實心任事，視察時曾詳加指導，於糾正兒童思想、強健兒童體魄外，並令注重勞作，男女學生，各因材施教，不蹈過去空疏之弊，即令學生將來無力升學，亦可各有職業。此外城內有養正小學一所，一二年級學生共六十三人，不收學費，校長詹粹三每月僅由學董五人資助伙食費四元，教員一人，待遇亦同；亂後財力枯竭，民衆能熱心辦學，殊屬可嘉；而十三師特別黨部，且有五人在校分別任課，教科書頗全，桌椅由二三兩保民衆籌措，總司令所謂不必拘學校形式者，此其似矣。本廳在該縣辦理之巡迴講演隊，每月由廳補助國幣一百六十元，業經開始工作，第一組暫固定於城內，指定各保民衆，分日來所聽講。二十日晚間往訓話，民衆到者數百人，均能安靜聽講，二、三、四、五各組，則分別設於二、三、四、五各區，且規定時時輪流，如二組講演員開始在二區工作，三四五各區，亦須輪流周到，其他三四五各組亦然。至鄉村小學，該縣財力既感不敷，民間經歷匪亂以後，又無力担任，經費急切不能籌措，已由本廳決定補助成立初小十五所，計一校二班者五校，一校一班者十校，共計廿班，分設於各區各鎮，教員由廳委派，每班補助二十元，不足者由縣長就地方費項下開支，教員未到者

准由縣長選充委任，本月內即可陸續招生。軍事委員會十三師在該縣之民衆學校，開辦者計有七里坪，古風嶺，桃花三分校，黃安城內一校；七里坪分校由十三師政訓處張廷漢負責辦理，七十七團政訓處全體人員襄辦，分兒童成人兩班，兒童日間上課，與小學辦法無異，成人班則夜間上課，此外尙規定演講時間，以期普徧。視察時兒童班到學生六十人，分甲乙兩組授課，兒童多有在匪黨中充任童子團站崗放哨者，教科書純採用商務復興教本，衡諸當地情形，特種教材，亟應予以補充，正其思想，而俾入正軌；成人班則有學生七十二人。古風嶺分校，亦經開辦，兒童班學生六十人，成人班九十人，桌椅純就民間舊有者移用，由張持節負責辦理；視察時業經下課，然其辦理精神，與七里坪分校無多歧異。黃安縣城內之民衆學校，兒童班已定十一月一日開學，此黃安縣教育之現狀也。

麻城教育現狀

麻城縣城始終未爲匪所攻陷，故城內秩序較好，街道偏佈大石子，與黃安黃陂等縣無異，傳爲清代平定洪楊以後，左宗棠奏定各縣街道必舖以大石子，蓋以土匪撲城，即可以石子撲殺之；今時勢變遷，街道極應重修，此等石子，

遠不及手榴彈矣。科學日見進步，教育愈爲重要，此亦一端也。城內設有中心小學一所，學生皆春季始業，計分一下，二下，三下，四下，五下，六下等六班，總共學生二百二十二人。校舍爲二衙舊址，頗寬大合用，學生制服整齊，並有童子軍之組織。視察時適爲星期，學生多能到校溫習，縣長鄭重及督學王若海，謂平時亦皆如此，尙屬可嘉；惟桌椅不敷，勞作一科，竟付缺如，學生作文，文言較語體爲多，文題略腐，如孔方兄傳之類，頗屬不合；紀念週秩序脫靜默三分鐘一項，當分別糾正，並令督學注意考核；寄宿學生達四十人，亦令其特別注意訓導，勿令自習，指導有名無實。全縣計有完全小學三所，一在中館驛，一在宋埠，一在黃石；初小六所，南鄉兩所，北鄉二所，東西鄉各一所；教育館一所；女子初小一所。宋埠二小，辦理頗佳，惟學生四班，教員四人，在先月支七十元，近乃支四十元，而學校基金二千餘元，悉爲商會移用，已面屬縣長鄭重，嚴令追還。女子小學設在城內，學生一班，分一三三四年級四組，共八十二人，校長顏少儀，尙有能力，學生衣服樸素，教員待遇，雖較中心小學爲遜，然視完小則爲優；當面屬其努力訓教，多帶職業性，俾女生出校後，得學有相當職業；星期日溫課情形

，則與中心小學相同。此外區立小學一所，私立小學六所，學生共二百餘人。查該縣教育經費，常年一萬二千餘元，上年實收八千餘元，本年四五七八等月，僅發半薪，代科長徐國柱，不甚負責，督學王若海，暑假後到差以來，各校尚未編查，而各鄉小學，雖曰殘匪未清，籌款不易，縣長均應妥為籌謀，力加督促，視察時，一再告誡，以後當可逐漸進步。此麻城縣教育之現狀也。

黃陂教育現狀

鄂東匪禍，就所到各縣而論，黃安為最酷，麻城次之，黃陂又次之。據十

三師師長萬耀煌及程專員汝懷所稱：

「現在匪勢，已大部肅清，自郭家河至七里坪黃安桃花尹家河宋埠公路以西，居民安堵，匪患已清。實可稱為安全區。由七里坪東至戴士英，南過雞公寨抵桃花，更由戴士英東至檀樹崗，檀樹崗南達張店宋埠，為灰色區，股匪時時出沒，迭有驚擾，擬將居民移出，以策安全。檀樹崗東至中途店，折而南至順河集，更由順河集西至紫雲山，達張店，則為匪區，現有匪軍六七千人，槍枝三千，此股若能急於會剿，則黃陂即可無虞，黃陂北鄉，更可無恐也。」黃陂既視黃麻為安定，其教育設施亦易，教育局長吳注東，本年六月初旬到

任，關於經費，已迭加整理。現有中心小學一校，係合併原有中心木蘭兩校班次而重新設立者，計男女學生十班，無五下六下班次，月支經常費四百餘元；縣立中學一校，暫在城內節孝祠開辦，男女生各一班，男生六十餘名，女生十餘名，已於九月廿五日上課，月支經費百四十元；視察時適為星期，故未及與學生訓話。長軒嶺有完小一所，計學生四班；此外中和小學設在一區；成三小學，設在二區；秉文垂裕兩小學，設在四區；東海小學，設在五區；皆區立完小之已經立案開辦者。至已立案尚未正式呈報開學者，二區有旭照完小一所。初級小學原有七校，現時責令各聯保主任辦理，每處籌設一班，即以各該處書記充教員；最近呈報籌備就緒，正式開學授課者，已有四十餘校；計本年度內，全縣可成立初小一百所以上。民衆教育館一所，設在城內，現時通俗演講所，書報閱覽室，民衆夜校，民衆閱報牌，及民衆問字處，已先後設立；其他各校，亦正在籌辦。又民衆夜校，巡迴演講所等，不久亦可成立。此黃陂縣教育之現狀也。

匪黨教育與經扶現狀

經扶縣設置未久，政費尚由河南省府撥給，最近雖呈准設立教育局，以經費支絀，無法籌措；惟當地民衆，匪

化最深，失學兒童，數亦不少；現時僅縣城內有中正公學一所，本年九月間確定月支經費五十元，尙不能按時發放，學生一班，分一二年級兩組，共三十五人，校長曾肅甫，教員聶體泉；視察時，適上習字課，兩組學生，羅雜一堂，未能分別組次，當屬其即日分別編定，以便教學；板桌坐凳，雖屬簡陋，然見諸匪區之中，實屬不易；教科書採用世界書局教本，與當地現時環境，或未盡合；蓋匪黨之小學教本，簡明合實用，兒童既學之於學校，即能用之於站崗放哨寫介紹信看路條，而於匪之所謂地主，富農，中農，雇農，貧農，以及列寧，馬克斯，蘇維埃，徵發，擁護，合作社，累進稅等名詞及辦法，莫不明晰之至。據三十二師特別黨部籌備處書記長王汾，郭家河第一區聯保主任王周才云：「匪黨爲使所佔區域鞏固，麻醉一般羣衆，訓練其幹部工農兵青年兒童起見，而設立各種學校，其工農幹部學校，校址即在新集（即經扶縣），學生約二百餘人，均由各縣選送赤衛軍，少先隊及各部戰鬪連中所謂階級意識堅定，身體健康之工農份子，加緊軍事訓練，以期造成其下級幹部。又有彭楊學校一所，男女學生約二百餘人，（尙有一處在麻埠），由偽高級長官，政治委員，縣委，書記，縣蘇維埃主席，軍區指導等負責

選送，其選送標準：（甲）男生須確爲雇農貧農身體健全，在地方武裝團體或各部隊担任班長以上之職務，階級意識堅定，且有政治認識者；（乙）女生亦須爲貧農勞動成分，年在十八歲以上，二十五歲以下，天足能吃苦，有階級覺悟及政治認識者。此外列寧學校，在經扶郭家河各有高級小學一所蒙養小學兩所；高級小學擇十六歲以上，二十二歲以下，雇農貧農子弟之身體健全者，考問其意識，如屬堅定不移，然後令之入校，訓練八個月後，分送鄉蘇維埃區蘇維埃充任匪軍幹部工作。蒙養小學，則擇匪所謂成分關係合格之兒童，在十歲以上至十六歲以下者，令之入校，教以匪黨所編定之課本，間日上課，間日充偵探或站崗；蓋其所謂學校，亦不過造成匪黨供犧牲之工具，其學校並不甚多，科目亦不繁重，而收效則甚速且大也。（黃安學校匪黨設立較多據聞有七十餘所）。至陸軍第三十二師政治訓練處在該縣辦理之學校計有民衆學校四所（一）經扶縣中正民衆學校，在中正街二十號，與中正公學，同一校址，學生分成兒童婦女三班，共一百九十餘人，由少校處員劉霖村充任校長，聘定周化仁鄧瑩充教員，由蔣委員長指撥民衆教育經費三百元內開支五十元；（二）郭家河中正民衆學校，學生報名者約百餘人，由少校